

湘城遺事記卷九

善化陳運溶芸畦纂

故實類

長沙

影宋本寰宇記云甄烈湘州記曰秦始皇二十五年併天下分黔中以南之沙鄉爲長沙郡以統湘川史記天官書云翼軫爲楚分傍一小星爲長沙星星分之南謂之南楚今州卽秦之長沙郡青陽按郡國志云炎帝神農氏葬於長沙長沙之尾東至江夏謂之沙羨是其地又始皇本紀荆王獻青陽以西卽此闕

湘城遺事記卷九

故實

一

駟十三州志云西自湘江至東萊萬里故曰長沙又遁甲經所謂長沙土之福地雲陽之墟可以避難可以隱居
曉讀書齋雜錄云東萊郡曲成有萬里沙祠見史記漢書人或不知命名之義今攷御覽所引十三州志西自湘江至東萊萬里故名長沙首起湘江尾東至海故一名長沙一名萬里沙也

桓階

初學記引桓階別傳云階爲尙書令文帝幸見諸子少子元禪上搏手曰長者子元禪是日拜二子爲黃門侍郎

蕭譽

梁書河東王蕭譽傳云梁太清三年世祖遣信州刺史鮑泉討譽軍於石椁寺譽率眾逆擊之不利而還泉進軍橘洲譽士卒疲敝泉出擊大敗之斬首三千級溺死者萬餘人譽於是焚長沙郭徙民城內泉圍之不尅又遣領軍王僧辯代泉攻譽益急譽將潰圍出其麾下慕容華引僧辯入城遂被執斬之

歐陽詢

太平廣記引談賓錄云文德皇后喪百官縗經率更令歐陽詢狀貌醜異眾或指之中書舍人許敬宗見而大笑爲御史所劾左授洪州司馬

湘城遺事記卷九

故實

二

長沙市肆

圖書集成職方典引時鏡新書云四月長沙市肆之人無子者是月供寺閣下羊肉薄餅乞兒往往有驗

鄉社

建炎以來朝野雜記云湖南鄉社者舊有之領於鄉之豪酋或曰彈壓或曰緝捕大者所統數百家小者所統三二百自長沙以及連道英韶而郴桂宜章尤盛乾道七年春知衡州王琰者言湖南八郡三丁取一可得民兵萬五千人帥臣沈德和不可乃止淳熙七年言者奏鄉社之擾請盡罷之事下安撫司已而

帥臣辛幼安言鄉社皆雜處深山窮谷中其間忠實狡詐者有之但不可一切盡罷今欲擇其首領使大者不過五十家小者減半屬之巡尉而統之縣令所有兵器官爲印押上從之

秦觀

王會新編云義倡長沙人雖流落樂籍而性好文墨尤嗜秦觀樂府觀南謫道經長沙偶訪及見几上有己詞戲曰願見其人否曰使得見秦學士願奉箕帚已知爲觀乃大喜臨別屬曰妾誓潔身以報因杜門謝客後觀卒於藤州倡夢觀來別泣曰秦學士其死乎遂衰服赴撫棺一慟而絕

湘城遺事記卷九

故實

三

湘賦

宋史尹穀傳云宋以詞賦取士季年惟閩浙賦擅四方長沙尹穀與同郡邢天榮董景舒歐陽逢泰諸人爲賦體裁務爲典雅每一篇出土爭學之由是湘賦與閩浙頡頏

趙葵

錢塘遺事云信菴趙葵忠肅公幼子歸領鄉郡推心愛民一鞭不妄施暇日過嶽麓精舍舍長劉某年差長將坐揖曰相公主席公搖手曰這裏說甚相公竟就賓席取酒盡歡而去

余文起

螢雪叢說云余文起主泮湘潭嘗宿嶽麓書院夢見朱晦翁與張南軒同在郡庠作意主明道學忽伊川橫渠先生從外來云政不須如此這道理常使得何卹乎人言須與聞東廊有人誦中庸大學二篇覺來雞唱遙想二公衛道如此之切

潭州志

清波雜誌云近時州郡皆修圖志志之詳略係夫編摩者用力之精粗輝嘗言于故人王錫老深以爲然且有此意未幾錫老爲潭州之志

長沙志

湘城遺事記卷九

故實

四

直齋書錄解題云長沙志五十二卷續志十一卷郡守趙善俊以紹熙二年命教授褚孝錫等七人撰時止齋持漕相與考訂商略故序言當長樂志並也續志不著名氏錄紹熙以後事

李正之

夷堅志云李正之提點坑冶巡歷廣西過長沙郡僚具迎牘稱曰提點大正蓋不知其名而亦誤以爲官稱若正之類者李怒移文潭府治諸曹書吏時張欽夫居於潭其緘亦如是府主劉共甫笑曰他容容或不曉君何爲爾張愧笑及李至引咎謝不敏焉

李蒙

夷堅志云澧州士人李蒙紹興十七年與辰沅靖州舉子會試於武陵未引保間夢省榜到省元日李用之又有人從傍言曰只候舉使回明日急取家保狀改名用之先是蒙已兩請交解其友謂之曰彥發已是得解舉人若更今名則遽捨前來舉數似爲可惜蒙斷然不疑及秋闈揭榜用之預薦來春省試邊白侍郎方奉使金國遂知貢舉盡如其夢有種道人者善相畱詩四句與之云道成元未是再至却須成但看西行日歸來一餉榮是歲於王佐榜登乙甲調潭州善化主簿之官三月而卒一

湘城遺事記卷九

故實

五

餉榮之兆其亦淺矣

王容

夷堅志云王南强容潭州湘鄉人原名午淳熙壬寅歲肄業於嶽麓書院嘗與同舍小有競旣而悔之謀欲更名以示佩韋之義其兄弟皆連之字乃改曰容之且取寬柔以教不報無道之說仍字南强癸卯春書院待秋試其兄爲詣本縣投家保狀及試前數日將納卷而視縣所解簿則爲王容方以爲疑而兄至謂曰我今以適爲名汝不必二名徑已除去之字茲卽汝也遂用此入試是舉預薦甲辰省試畢聞兄亡而歸旣到家報榜人

至既奏名矣舊師舒誼周仁來賀云二年前有術士來湘鄉遊縣學自言能相夫子像而知士人登科之多寡今聖像開口而笑合主兩士登科如此舉只一人則後當有繼之者去歲初春學長王仲淹汾叟親書桃符曰競說素王顏有喜定知黃甲捷先通吾嘗思之王者君之姓顏者容也實君之名素王者其喪之戚也黃甲捷先通今歲阻廷對□舉還試必居黃甲乃先通吉耗也其說頗傳于士林□□□縣學補試王伯仁者易名顏遂中首選丙午之春舒周仁入府語南強曰王汾叟又書桃符更有句曰素王顏色津津喜黃甲科名鼎鼎來汾叟□□驚悟

湘城遺事記卷九

故實

六

曰前年爲南強作先兆今復爲王伯仁作先耶吾獨以爲不然是亦南強先讖耳鼎鼎者三名前也是歲王顏爲解魁滿意巍級已乃下第南強果魁天下所謂術者不復至惜不記其鄉里姓名長沙古語嘗有駱駝嘴斷狀元出之謠駝嘴者山也其形似之在州北正直水口其下曰麻潭皆巨石屹立淳熙七年辛幼安作守創始營作廣辟衢陌許僧民得以石贖罪皆鑿於潭中所取不勝計後帥林黃中又增益南街取石愈多迨丙午之夏駝嘴中斷爲兩不一歲而南強應之桃符證應已載於癸志比得南強筆示本末始知前說班班得其粗要爲未盡故再紀

於此而癸志既刊於麻沙書坊不可芟去矣

張義倫

宋史度宗紀云咸淳七年七月丁丑湖南轉運司訪求先儒張
栻後人義倫以聞詔補將仕郎

明季兵燹

省志引汪輝湘潭脫難錄云明崇禎十六年八月獻賊破長沙
在城之民殺虜逃亡者無算賊眾四掠名爲討馬是年赤旱千
里賊所過境血染枯禾堆手如山立副樁二三百無一樁未副
人國朝順治四年潭民逃差者眾田地無人承買賤不可言冬

湘城遺事記卷九

故實

七

月淮鹽八錢一包長起至三兩一包止五年吳楚不通米價賤
至石五六百錢無買者遂腐壞不可食時呼爲雞見退六年湘
潭瘟疫大行四鄉傳染甚至一門瘟絕藥肆中大黃羌活黃芩
俱賣盡烏梅二三分一兩葱薑藥引二三分一劑噫此何等時
也屠戮之骸不及埋而瘟疫之屍又徧積於河干矣

長沙江口

史惇痛餘雜錄云長沙與衡州接壤守長沙江口賊不得渡八
月間桂府募兵六千將尹先民頗驍勇統兵據浮渡施礮設柵
業有次第而撫治王聚奎聯珠郿縣人戊辰必欲調兵守城尹痛言

守江爲上守城非策王剛復自用不用其謀賊偵無備果一擁而入王先遁尹戰死道臣馮雲起長洲人丑乙遁免節推蔡道憲晉江入丑丁殉難邑令吳應恂宜興人丑丁亦先遁蔡罵賊不屈被磔楚撫王聚奎隨惠桂兩藩奔廣西梧州

案堵允錫撰蔡道憲墓誌云賊縛公公益罵釋而又縛者三迺降將尹欵語公公瞪目直視曰爾爲衛律耶朝廷何負爾而反奮縛搥尹胸而搏之據此則尹實降賊堵公先後同官一城見聞必確戰死之說誤也

小西門

湘城遺事記卷九

故實

八

廣陽襍記云長沙小西門外望兩岸居人雖竹籬茅舍屋皆清雅淡遠絕無煙火氣遠近舟楫上者下者飽張帆者泊者理楫者大者小者無不入畫天下絕佳處也

吳三桂

廣陽雜記云吳三桂據湖南兵駐松滋久乙丙之間和碩安親王統大兵自江西袁州直趨湖南兵至長沙之東三桂聞穆將軍爲戰將不敢輕敵丙辰二月自松滋退軍長沙距戰梁質人自江西爲韓非有求授三桂之意先敗安王而後援吉安訂三月初一日合圍畱質人曰汝於壁上觀吾軍容歸以語東方諸

豪傑也官山在長沙東南與瀏陽相值安親王軍長沙東官山

之後

按長沙無官山大兵既由袁州來必經醴陵湘潭入善化境之龍頭鋪此地亦與瀏陽相值又四十里至關山山勢

雄峻爲古塞垣官山疑卽關山之譌以音相近而誤耳

三桂軍長沙西連營嶽麓山亘數

十里軍容之盛近古未有也三桂欲自與安親王決戰諸將苦諫而止皆誓死以戰三桂坐瀏陽門樓質人以三桂命立城上安親王發兵十九路自城北鐵佛寺後布陣至城之西南長數十里三桂亦發兵十九路以應之將軍王緒先陷陣清兵合圍之數重旂幟盡偃金鼓無聲城上人盡失色以爲此軍全沒矣少頃聞交鎗連發如急鼓清兵紛紛墮騎王緒軍衝突無前莫

湘城遺事記卷九

故實

九

有櫻其鋒者深入敵境獲全勝而返僞將軍吳應貴者三桂之姪也搏戰爲流矢所中貫顛墮馬夏國相力戰救之而歸穆將軍追至城下三桂于近城設伏以防巨象伏岡下敵至起而衝之清兵披靡而走交鋒者凡三路馬寶軍大捷餘殺傷略相當呼聲動天地血戰至日中天忽大雨交鎗不得開各斂軍而退三桂初意氣吞官山先發十九路餘軍駐嶽麓畱爲更番地不勝則後軍繼之必平官山而後已及見應貴傷復值大雨爲之奪氣日天意不測遂入城而守清兵亦掘濠不復出未幾應貴死

襍記又云甲寅康熙十三年

偽周元年

三桂之變柳已歸周三桂兵

距江與清兵相持乙卯春康熙十四年

偽周二年

揚威將軍和碩親

王在吉安爲韓大任所敗走取萍鄉時大任進取吉安而夏國

相畱守萍鄉萍鄉城南有七星臺高出城上上列三營以守清

兵卒至于二月十四十五日與國相連戰十六日國相掣七星

臺兵以助戰清兵乘隙取七星臺下臨萍鄉而攻國相不支棄

萍鄉西走時馬寶自岳州來援萍鄉畱長沙高曾三日兵出至

半途值國相兵敗卽與偕走巡撫方雲鶴布政李子受一陽總

統將軍高起龍亦隨出城至澇陽河

陽當作塘

而止使反覘之七門

湘城遺事記卷九

故實

十

大開空城無人清兵猶未至也蓋十六日夜長沙湘潭人聞清

兵且至于二白中已逃盡然清兵力竭亦不能乘勝席卷而前

十八日夜馬寶國相等復入長沙守城未及浚濠而清兵于二

十二日至城下圍攻三日不克有王子擐金甲登雲梯而上與

獾獾相持馬寶自後并獾獾斬於城下而斷其梯清兵競搶王

子之屍致斃數百人退于七里山阿彌嶺掘濠而守之自此吉

安之援絕矣至丁巳春康熙十六年

偽周四年

將軍穆占室與揚威

將軍兵合攻長沙占驍勇善戰三桂聞之懼自澧州常德來長

沙三月初一日有官山之戰先是穆占自陝西來至岳州將攻

之貝勒以三桂所築土城不可攻不與占偕占知不能取卽由平江走湘陰瀏陽山中至官山與揚威兵合取長沙官山之戰殺傷相當穆占軍爲平西戰象之所蹴踏亦不戰而退守

湖南通志云康熙十八年正月貝勒察尼圍岳州僞將吳應祺食盡棄城遁復岳州長沙僞將聞岳州恢復相率奔潰大兵入城長沙平